



05794

獨鹿堂集卷之六

小禺二集

劉顯之六十贈之

白髮頻添不自休，杜門終日事窮搜。  
三千高第中分魯，七略羣書總萃劉。  
未擬河汾還獻策，無妨匡鼎亦封侯。  
生來年齒差相若，經學於君遜一籌。

寄題王阮亭西城別墅十三咏

石帆亭

大壑有藏舟，茲帆負而走。不覺動波濤，但見移星宿。  
寄

獨鹿堂詩集

卷之六

小禺二集上

謝濟川人清風在巖岫

樵唱軒

日落山更空，孤亭愜幽賞。  
一聲何處歌，松風遞餘響。  
不必問其辭，悠然絕心想。

半偈閣

妙法非有無，一偈何可說。  
小閣坐默然，花光滿林樾。  
目送海岱雲，西飛過吳越。

大椿軒

世無千載人，大椿壽誰算。  
黃帝甲子來，才及春之半。  
獨有觀棋人，還家柯已爛。

雙松書塢

雙龍何天嶠屹立竦毛髮興至一攤書愛此松下月有時清夢中風濤坐超忽

小華子岡

溪山不自名勝地因人有不知今古人夢寐相反否九  
九華子岡小大俱不朽

小善卷洞

舜以天下讓善卷固弗取茅茨與土階何用分出處想  
見洞中人高風邁巢許

春草池

獨漉堂詩集

卷之六  
小馬二集上

二

年年春草芳綠徧隴與畝一入池塘夢遂爲謝家有不  
惜綠更黃但惜離居久

三峰

三山不可卽林中恍如對世無癡神仙要當屬吾輩羨  
門與子喬安知不在內

嘯臺

天地本一氣至音唯可通金石與笙簫嗶嗶徒亂聰爲  
君一登嘯元鶴來高空

石丈

晉國昔能言泰山曾自立神異卽不無幽奇詎能及拔

起若興雲濛濛翠猶溼

竹徑

結根幸在茲緣筠長可保湧翠爲波濤秋聲滿晴昊三  
徑淨無塵風影自能掃

綠蘿書屋

雨霽聞鳥聲春陰覆林莽碧蘚印階明綠蘿緣壁上中  
有讀書人千秋遂孤往

癸酉人日偕王礎塵王新侯王立安過石公精舍  
惠州王使君紫詮挈其諸孫已先在同登懷古

樓卽事作

獨漉堂詩集

卷之六  
小禺二集上

三

獻歲酬酢勞郊垞未曾出今與良朋偕方知值人日東  
風動高懷幽事期禪室歡然集童冠不暇計六七長文  
抱著車荀彘幼在膝入林鐘乍鳴清梵磬未畢隔籬辨  
主賓近牖聞琴瑟石徑絕纖埃板橋度殘莖登樓一舒  
眺日月飛何疾萬古浩茫茫天步無停蹕石門猶漢壘  
香浦非前率隴畝半青黃滄波一洄涵寒花采玉蘭圃  
樹攀霜橘老大習酸辛穉子甘崖蜜聊爲虎溪笑且試  
元卿筆卽事非古今至道忘儒佛詢知吏爲隱亦有民  
名逸冀畱金石篇來者爲可述

鍾純臣廣州寓齋賞牡丹作

自是羣芳第一流，誰移嘉卉到炎洲。明霞剪出千重瓣，紫玉堆成十二樓。仙子未堪同淖約，化工何必太雕鏤。經旬宴賞猶能好，欲笑芙蓉不耐秋。

五六七言絕句爲朱竹垞題小影

識君三十前，貌比今時好。獨有千古心，不共流年老。

髮薄未勝藤笠身，閒穩稱秋衫。歸夢一竿何處荻花烟，艇江南。

霜雪侵顏日漸新，文章寫出是天真。占星帝座非無客，避世金門自有入。

同朱竹垞梁藥亭屈翁山過訶林南公房觀唐僧

獨漉堂詩集

卷之六  
小馬二集上

四

貫休畫羅漢歌

二月八日天晴晚，故人特地停舟艫。相約菩提樹下行，吁嗟霜雪枝條斬。千秋古跡罕復存，石幢寶厯猶唐鑿。南公爲我開一軸，先朝賜物珍如琰。對之不覺形神歛，胡僧端坐當軒檻。低首寫經不見領，目睛注視光猶焰。鼻尖下垂唇欲掩，大筆如椽指端擘。貝葉行間纔數點，硯旁堆葉散不檢。童子侍側出半臉，倚柱靜觀如未厭。老猿休心寂百感，階前假寐坐不敢擁篲。而立毛髮鬢長衣被體，色黯黯足爪着地。纖如剡絹，素雲生朝慘澹。欸識年深失姓名，葆藏幸且無塵玷。圖形正，面古所難。

允兼蹙縮加饒減相傳畫手是貫休不是高流無此膽  
君不見羲皇一畫直至今文章日日趨奇險

別朱竹垞三十六年矣癸酉二月復會於廣州三  
日別去送之以詩

三日江邊駐客船菩提壇下又離筵如何三十六年別  
一日分爲十二年

除夕咏橄欖同王紫詮使君梁藥亭屈翁山吳山  
帶季偉公作

嘉果防中酒華筵列幾枚色迎青帝近甘自隔年回弱  
蒂因鹽落微香奪茗開深宵人不遠相勸盡餘杯

獨漉堂詩集

卷之六  
小禺二集上

五

正有文園渴生津爾所優添將牙後慧藏作掌中鉤蒼  
玉春王佩丁香漢署求明朝期獻歲一一記更籌

果中推異品地遠乃名夷歲歲無爲賞青青欲贈誰車  
箱歸北客花實又南枝消盡人間毒漁翁祇自知  
事後思忠讜嘉名比直臣病從苦口利寒到盡頭春作  
彈驅羣癘堆盤襍五辛諫書稀聖世笑爾美芹人

題西洋畫

西番畫法異常倫如霧如煙總未真酷似少翁娛漢武  
隔帷相望李夫人

絲絲交織自成文不畫中間畫四鄰亦是晉唐摹字帖

偏於無墨處傳神

題遲靈山屏萬行樂

德行之方如面詩卷之高等身三仕三遷仙吏一琴一鶴其人

惠州代汎亭雨後望西湖

高亭下視極人寰積水遙連埤間一線綠分湖上路  
幾重青出郡西山坐臨勝地如曾到名在千秋自不刪  
不是使君閒着眼後人何處得躋攀

方毛氏節烈歌

毛司李會侯之女

君就木妾墜樓此心一日爲千秋死同穴穀異室此心

獨漉堂詩集

卷之六  
小閩二集上

六

十年如一日嚴灘新塚高崔嵬一棺兩壙同時開祝宗  
祈死亦太拙粒米不入生何來經旬禮佛饑無忌正氣  
在中能不餒重泉一笑好相迎易簣之言今尚在吾翁  
吾父幸勿悲舍生取義當如斯承祧有子墓有碑一死  
較勝墜樓時

鎮海樓同梁藥亭送黃忍菴歸太倉毛會侯歸嚴

州季偉公歸杭州分得都字

重構飛樓壯此都朝臺送客又吾徒文章未沫張丞相  
霸氣全銷越老夫萬壑歸潮明檻外千峰涼雨散城隅  
天涯一別分吳越後會蒼茫定有無

哭王礎塵

素車相送粵江邊生死論交二十年牛斗之間光尚在  
如何埋得向黃泉

武昌江上覆舟時天道悠悠莫可知總是人間不成事  
廿年重活更何爲

金臺建業兩紛紛麥秀成歌昔所聞欲望龍髯無處所  
東西南北且爲雲

獻策曾承相國知三加親爲結冠綉痛來禮數從茲絕  
不獨西臺慟哭時

長將行跡寄天涯三十鰥居不自嗟客有問君君大笑

獨漉堂詩集

卷之六  
小禺二集上

七

丈夫無國更何家

高行唯與古爲徒戇直常師汲大夫身後有人思苦口  
當時來毀更來諛

天才敏妙不煩思斗酒青蓮信有之猶記小齋新柳發  
三更和盡百篇詩

十行一目古誰如強記寧惟七篋書一盞青燈人白髮  
病中猶不負居諸

眉鬚如畫發高吟至理清言盡德音憶雪樓前風雨後  
廣陵一曲絕于今

纔了先人土一杯便思終老向炎洲骨肉卽今還父母



衣冠長此葬羅浮

送蔡漢長入都

君去須登郭隗臺憑將杯酒酌荒苔黃金駿骨招何日  
赤汗龍駒只自來

送怡然上人汀州省母次梁藥亭韻

不惜芟韃踏路塵九龍灘上獨行身吾生早作無依子  
世外偏憐有母人

送林赤見北上

與君父子交骨肉兼朋友于君出處間躊躇亦已久富  
貴非所欣長貧難獨守昂昂七尺軀硯耕日糊口甘旨

獨漉堂詩集

卷之六  
小周二集上

八

安所供庭闈俱白首應舉爲文章如狂逐日走空役一  
生心豈足傳身後旣作獻玉人莫若求先剖庶幾少息  
肩餘力堪攻取君稟絕異姿立行尤不苟在器爲干將  
在星爲樞斗應機立能斷遇物操其紐以此馭世紛艱  
鉅復何有帝京英賢會九垓共奔走方騁千里蹄直抉  
開天手勉矣樹令名三立期不朽

題王蒲衣琵琶圖

抱月懷風倍可憐更勞芳袖拂清絃謝郎自足真人想  
爲爾移情北牖前

一曲烏孫馬上音高彈促節且娛心琵琶妙手王摩詰

不買鸞膠續斷琴

邊月

神龍銜燭地顧兔亦乘輪共此中閨照分隨出塞人露  
溥光不匝野闊影無鄰候滿年年事空嗟歸夢頻

邊雪

煙塵一以滅高下玉爲臺牧馬來無所同雲黯不開凍  
凝青海浪路失白龍堆奉使丁年客從今又幾回

邊柳

絕域誰相賞阿那自得各葉間穿舊箭原上列新營白  
日風枝折殘春雪眼明南朝大司馬空復涕金城

邊笛

微風傳妙曲清切若爲酬誰挾終南瑄來添塞北愁關  
山無盡月天地不禁秋何日聞歌甌征人下戍樓

邊馬

塞上傳烽警將軍賦出車千羣新草外八月上鴈初雲  
衛龍爲友風生虎不如爲君威海內安用事詩書

邊鴈

南北家何在其生無定居避人猶有弋寄漢已無書沙  
磧將難久江湖迴自如歲寒天路永歸翮莫徐徐

邊烽

夕烽傳頃刻千里到雲端氣足蒼山暝光添紫塞寒萬  
方專視聽一點是平安莫取佳人笑諸侯怒目看

邊草

何心榮與悴今古恨無窮雪散燒痕上青歸戰血中天  
長垂大漠地遠後東風獨有明妃塚年年似漢宮

邊塵

人間何處免北塞獨先飛似得風雲氣全欺日月暉  
柴傳戰法望銳亦兵機差勝京華客終年化素衣

修先墓作

白頭良已矣子職竟茫然負此一坏土于今四十年卹

獨漉堂詩集

卷之六  
小周二集上

十

忠餘往典紀事有新編寂寞松楸下豐碑誰爲鐫

文淵猶藁葬正則且沈身古者無修墓非言患難人報  
唯存此日舉必念千春黽勉從微力傷哉由也貧

不辰吾最甚十二喪慈闈對食啼葱葉當秋泣線衣國  
憂纔隔歲泉路幸先歸賜葬仍同穴絲綸灼有輝

峰西頻倚杖一上一徘徊筋力今如此餘生能幾來彼  
蒼誠有感積雨喜全開十日松間坐濤聲總是哀

固安唯至願尺寸自經營墓是無窮事人兼不朽名發  
祥如有本憑弔所從生雖乏青囊術滕公自得城

萬山青不極曠絕此登臨大化自通塞吾人爲古今風

搖千畝綠雲散一溪陰轉盼皆陳迹彌傷志士心

白鳩

奇毛遠致自南交異物何須論九苞霽後有聲來屋角  
月中無影立梅梢曾爲湯瑞同丹鳥不入周詩亂鵲巢  
宿世鷹揚心尙在白旄黃髮未全拋

贈程立方國學

君家職方吾老友其人愛士不離口往時寄我都下書  
君名每見新篇後十四年來宿草生而君爲客五羊城  
三四過我始一值長身赤面神尤清卞和幾別連城璧  
杜甫方爲老賓客日觀東尋泰岳碑天津西笑長安酒

獨漉堂詩集

卷之六  
小周二集上

十一

徘徊嶺外再經秋車馬因人遍十州海天萬里豁心眼  
珊瑚火齊資冥搜新詩示我殊開爽往帙雖多今更長  
只將妙筆寫高深不與時流爲俯仰平生意氣已心傾  
况是山陽晚笛聲如何咫尺仍千里不及東風共聽鶯

送方葆宇

瓠落餘生在嚶鳴舊好存夫君懷遠別昨日枉高軒小  
驛梅迎客寒溪草閉門無能具雞黍相送亦何言

西湖觀打魚同王紫巘若雲立安朱開黃作

沙際添新漲橋邊響細風同人來雨後尺鯉出湖中竹  
筏漁家屋藤蓑鶴髮翁獻鮮知有客賈勇更張罟

撥棹爭先後平湖渺然安知人在水只似馬行天葉  
泛舟形小雲飛網勢圓得魚邀上賞公子不論錢  
峰轉仍波浪源通忽石林直拚三日棹方盡兩湖深樸  
俗無臺榭貧家有織紉村村懸敝笥知不患年侵

繫舸黃塘外亭邊水一篙昔時僧院閉前月浪痕高短  
笛調新曲行廚進濁醪未堪窮勝事饑溺愧吾曹

病足經時鄭邁公以桑寄生見貽漸有起色賦此

戲東

寓形寓內已無多寓木深承起積痾吾道不行非一日  
妙方端的更如何

獨漉堂詩集

卷之六  
小閣二集上

十三

答林敬臣

嶺南嶺北歲頻煩知有先人素業存偶著茶經唐處士  
別分藜火漢王孫同心千里能迴駕病足三秋未出門  
空荷瑤華枉相祝白頭衰謝更何言

送王虹友歸太倉

病中纔一望容輝豈謂殘年便送歸作客只今多白眼  
舊家何處問黃扉嶺頭詩卷梅花瘦吳下扁舟木葉稀  
天路鴈行飛已盡羨君唯守釣魚磯

送王紫詮使君觀察川南兼以爲壽

箕尾出東隅牛斗在其側如何分野內燕越殊南北與

君隔萬里衰晚始相識鴻飛與虬潛事異中心得君才  
具匡濟少小富學殖方壯已爲郎纂修曾借職雖容著  
作場出入東西掖祿養逮高年公餘事登陟家近盤山  
陽子春有遺洫青韜結兩耳健足生八翼一線天門開  
三潭龍霧黑長嘯踏煙蘿高吟呵鬼蜮虎穴亦偶眠僧  
廚頻寄食越險倍驍騰耽寄忘偈仄細寫北岳真傳之  
子卿墨九重有眷命五馬來南國始至合江樓溪山似  
能憶豐鱣滌胃懷羅浮在封域時當廢弛後萬緒紛如  
織公事有期程案牘常充塞然膏繼落晷伏枕思嘉則  
頻年滋汗漫一旦皆修飾驅車四百峰聊以適吾適維

獨漉堂詩集

卷之六  
小周二集上

三

時建子月落木飛浙瀝野燒斷復明溪聲淺猶激南中  
冬向暖雪下俄盈尺萑苕斲層冰題詩坐孤石韻窄語  
有神榕寒酒無力夜宿就禪衣朝行共山屐茲山信奇  
秘抱樸初來宅近揖鮑使君遠招浮丘伯三十二代仙  
並注長生籍家老野人黃孫子真人白相示有新銘至  
理符元易遂造飛雲巔夜半光赫赫初日上空濛重昏  
頓昭晰建亭名子日用示丹砂的至後一陽生夜氣中  
宵覲大道本目前世人自沉溺真機一似握百感無不  
寂坦步任窮通直心以行德見義勇於爲與民共休息  
宏才旋氣化遠略銷奸慝干旌子四郊羔裘絲五絨湖

橋時命舫郡閣頻留客風流古有人文采今誰敵席門  
寄窮巷往往勞能賦唱和靡不同篇章漸盈百吾生且  
壑志賴以遣晨夕內顧何所長諸郎謬求益去歲雨爲  
災及秋更其劇野吏古亭西書齋寸苔積一跌出不虞  
右股幾成壁師資諒非據造物來深責臥疾十餘旬至  
今猶怵惕送君川之南遠想縈肝膈洞庭四際天巫峽  
雙懸壁扁舟溯浩渺百丈行荆棘白帝古高城竹王舊  
疆域仍當度瀘水葛相曾于役使節此經臨所向皆名  
跡邊陲况少事行邁多餘隙妙筆發幽妍閒心恣摹畫  
文章自千古物色增高格西蜀宦遊人杜陸爲巨擘花  
溪與劍南鼎足看今昔弱冠事遠遊中歲聊停策河漢  
一沿洄衡廬常藝植裹足太行西北睇徒蹴踏峨眉心  
所往擬得同探索藥石更精奇僊靈畱采摘兔絲下有  
苓烏頭小爲薊絕壑長空青方流饒水碧老態未龍鍾  
餘生况鷄肋去志乃勃然兒曹阻行色今晨屆弧矢幾  
日移旌戟四座稱萬年下民歌九罭語別在須臾重期  
莫能測各爲南北人復作東西隔人生感知已握手殊  
憫默何以贈仁言高明尚柔克

寄余杞亭廣文乞康州何首烏

作傳會聞李習之農經百草未嘗知成紋自蹙如山勢

引蔓能交入夜枝五嶺諸州康最好一筐相惠赤尤宜  
年來病足資奇效不爲霜髯變黑絲

余齊樞先生有曾孫之慶過其園亭題詩志喜

蒼松翠竹五峰西百福偏於晚節齊四葉孫枝花始見  
三重堂構燕雙棲詩成先許諸郎和酒熟堪酬好鳥啼  
最好石橋門外路入城潮水綠盈溪

與潘子登余兼五有中元宿雲閣之約以暑極不  
能久偕梁巨川盧俊斯放舟先歸却束潘余二

子

山夾深江入海濤扁舟來往未云勞新松倚岸疑陰淺

獨漉堂詩集

卷之六  
小周二集上

十五

短杖隨身怯路高埕頂千燈明昨夜天中孤月待吾曹  
却緣憚暑參差甚虛閣誰飛白兔毫

送王叔琬季如奉川南使君命送家之宜興時立

安自都門奉太翁南來將至

西行路遠北歸貧百口分爲去住身陽羨寄家初僦屋  
粵江移棹暫違新清秋正熟黃花酒紫氣應來白髮人  
到日華筵開四代德星今在太湖濱



獨漉堂集卷之六

羅浮陳恭尹字元孝

小禺二集

乙亥生日歸錦巖先祠許伯玉喬梓載酒相餉同  
潘子登梁巨川盧俊斯集飲卽事

老矣猶堪斗百篇生初長記在親前黃花又值三三月  
白首今踰八八年古岫石林元壁立新詞風木尙蕭然  
勞君載酒能相餉且爲停杯一問天

讀梁高士寒塘辭世詩次韻哭之

絕無沾滯絕根塵膚髮完歸與兩親蝴蝶夢中醒睡客

獨漉堂詩集

卷六

小禺二集下

一

白蓮花裏去來身天邊星已占方朔谷口名猶說子眞  
不恨夜臺多好友西山薇蕨漸無人

寂寞空齋閉竹門寒塘西畔暗雲屯心從灰後仍餘熱  
水到窮時自得源作傳敢辭朋友責遺經深幸子孫存  
朱明丹火西樵月照爾千秋處士魂

家務鉉載酒移菊過耄符菊籬同虛齋巨川俊斯

諸子共酌次日復同諸子過虛齋西山賞菊醉

後卽事

昨宵載酒人攜菊今夕扶筇客就花斯世有誰稱隱逸  
此身連日在雲霞言尋西嶺無多路不覺東籬屬兩家

霜嶰秋英堪盡醉歸時新月落牕紗

爲大嚴禪人母比丘尼六十壽

四十年前識若翁聞歌桃葉比花紅而今老作城東母  
親見如來十指中

謝何宗儼惠鶴

胎禽馴久不知齡移贈山池適性靈引吭獨鳴高頂赤  
側身徐步老拳青曾依處士能迎客欲擬幽人別築亭  
仙嶠翱翔他日事朝來臨水自梳翎

過梁殿一殿章山園

百尋藤蔓老龍形千歲松根下有苓峭壁尙粘霜葉赤

一峰分入幾樓青

獨漉堂詩集

卷六  
小周二集下

二

怪石參差築作臺冰紋疎密上階苔請君亭畔時刪竹  
城外山光要入來

五峰相望水迴環翠色林香杳靄間惟得過君皆大醉  
主人家住是中山

梁疊石廣文奉節母馮夫人還自瓊南喜作

長林欲靜風不息誰家母子俱頭白聞君奉母海外還  
使我悠然生喜色君家有母世所無生來二十鸞鏡孤  
呱呱黃口始匍匐高堂尙有翁與姑况經喪亂兼寇盜  
綢繆牖戶多艱虞孝養能成義能教使君早立恢宏圖

海潮之東朱厓北虎皮高坐爲師儒板輿迎母就官舍  
薄祿聊作反哺烏母爲喜慰開一笑蒼天不負吾區區  
解簪脫珥置學產瓊人勒石婺山隅春秋獻祝皆俎豆  
自茲廟食終不渝五十年來冰雪操三千里外舟車途  
鯨波鵬浪往復返鬼神呵護良非誣瑤池青鳥會獻果  
丹山小鳳還將雛有司褒異表節行閭里傳述爲楷模  
嗚呼君家有母世所無人間寧得此丈夫

藥亭入峽有月親高峽燒星夾遠江燈之句索予  
同賦別後出峽目覩其妙因爲繼作

搖颺孤舫夕欸乃片帆興野燒難分月江星不礙燈添

獨漉堂詩集

卷六  
小島二集下

三

衣聽戍鼓把酒念良朋自判中流袂吟詩久未能

月夜家園小臺酌別吳山帶

已戒征航香浦間小臺聊共此時閒風聲自沸階前茗  
月色遙分郭外山笑語從容天漸曙別離南北鬢俱班  
兒孫引領聽春信消息真傳一解顏

劉漢水六十

離亂相依二十年老來猶幸返林泉舊顏漸皺唯存笑  
新句能佳不喜傳閒按茶經尋水脈自穿芒屨踏莎田  
往常謂汝生兒晚五岳今游在目前

寄黃問溪八十

寄書南去涉瓊波爲訊先生大耋過白髮剩來曾幾許  
黃花開日尙能歌一竿無意還占虎大笑何時更墜騾  
我少於君踰一紀年年中酒病偏多

彭艾庵寄水晶眼鏡率筆賦謝

水晶爲鏡好寄我重兼金得此虛明質如傳妙密心纖  
毫無隱爾少壯忽于今萬卷荒疎久從茲更一尋

家山農母楊孺人貞烈紀事

兒雖在夫受累此身不惜爲夫代夫旣離兒有依此身  
不死將奚歸璜溪一曲清無滓白日在天身在水浩然  
正氣面如生懷二之人心盡死噫吁嘻地坼天崩此一

獨漉堂詩集

卷六  
小馬二集下

四

時世間曾得幾鬚眉

贈山農

旅舍濠西曲巷偏扁舟來往愛君賢親嘗百草歸游橐  
自寫青山不賣錢

死國當年尙有孤爲忠爲節義何殊白頭吟望天南路  
老淚相逢各未枯

丙子生日歸錦巖先祠次去年韻

老作書魚鑽簡篇傷心長是小春前祠開梓里纔期月  
歸對籬花已二年味谷日斜難却返昆池灰冷不重燃  
生前生後何窮事淚洒西風罔極天

冬夜同川南王使君舟泊樵溪驟雨有雷

數載篇章唱和同將分仍得共游蹤雷鳴南海初冬夜  
月落西樵七十峰乍泊且嘗他國酒不眠遙聽隔山鐘  
芒屨未怯青泥滑樹杪應添瀑百重

白雲洞

有流觴古跡

四壁石崔嵬飛泉石上來橋分三折入峰坼一門開坐  
處凝絲雨行邊滑細苔浮觴不可待先命酌泉杯

尋碧玉洞瀑布同王川南作

昔余寓西樵茲泉最心賞及乎匡廬游三疊差爭長各  
在嶺一隅無由較修廣夜來歇孤棹不寐心養養肩輿

獨漉堂詩集

卷六  
小馬二集下

五

歷翠微舊路多榛莽谷深無耕樵厓歛隔輪軌偏側不  
可立况乃通來往旁睨已戰兢下視殊惚恍未見瀑布  
飛先聞風雨響安得趨捷軀猿猱同下上從行數童子  
體輕時用罔奮身獨先下絕叫咸鼓掌使君益興發手  
卓青藤杖挾扶有力士羽翼兼兵仗駕肩或並騰駐足  
不容兩更番迭送迎老脚亦能強遂造磐石顛列坐首  
皆仰白練明高空銀河垂晃朗峭壁立如墉激流更奔  
放橫數半百尺直下七十丈輕風吹餘沫散作仙翎瞥  
雲輕玉龍池珠瀉天人帑耳目爲一新神形頓蕭爽維  
時初冬候雨潦收田壤壯觀雖未殊澔泮仍非曩威鳳

見一毛或可得其仿慨此萬古流不息同天壤誰能探  
其源悠然發遐想

西樵道中

山半雲生石作根古墻薜荔自爲村兒童處處皆開塾  
流水家家總到門

翳門關路上峻嶒半坐藍輿半自登老脚尙堪鞭策在  
來時忘却日南藤

堦埵縱橫總植茶平原無土不桑麻羅浮四百能如此  
富盡循州百萬家

送趙秋谷之潮州

獨漉堂詩集

卷六

小周二集下

六

半月五羊城紫梅開尙淺何以樂新知青尊共游衍良  
儔唯二三美醞無沈湎時尋廣莫野或命岢峩編古寺  
搜碑遺清溪候潮轉悠然發長嘯儵爾飛雄辯歸來讀  
君詩燭下終長卷如有神物憑頓使心目展東海與秦  
山真形入裁剪人言之子傲我獨欽其善羣驚葉縣龍  
信有蜀州犬性情雖各適去取良無舛尙君非不狂卽  
我狂難免寒冬爲此別宿約誠須踐昌黎驅鱷地風教  
今重闡首路指龍川君家舊疆畎懷古一沈吟新篇會  
非鮮引領望歸艎芳郊及春錢

答劉考功省菴

日月本同升東西異圓缺此心有同然豈必岐秦越之  
子赤帝胄盛年列簪笏駟馬來天南聲華振窮髮使節  
暇有餘仙舟停未發訪我步蓬蒿招游望溟渤寒梅香  
始飛野寺鐘初歇揮觴互獻酬利涉忘津筏自慙朽鈍  
姿所有空皮骨壯也不如人老矣行多蹶何以副深期  
欲賦情先竭煌煌金石篇風雅相揚渥八水得清深三  
峰同屹率仍飛白兔毫出自蛟龍窟貽我比瓊瑤光輝  
到薇蕨前旌已戒道列宿還歸闕都人咏繫駒祖席思  
投轄寧知倦客心一日如三月申章報未成及渴泉方  
掘誠非和氏珍敢避荆人別

贈樊崑來太史

獨漉堂詩集卷六  
小周二集下

七

董狐之後無良史千古是非成彼此諸葛曾蒙入寇名  
涑水猶然况餘子緬憶當年天柱折龍蛇起陸坤維裂  
一二孤臣川嶺間泣盡穹蒼還繼血只期不負方寸心  
寧知姓氏千秋列與君先世有同符異地殊功元一轍  
凌烟舊畫已荒蕪返日琯戈更誰說君持史筆入蘭臺  
自有鴻文紀前哲所嗟江左及閩滇十六年中統三絕  
身膏草野幾何人毅魄貞魂總英傑非無蹈海葬波濤  
亦有高棲守巖穴稗官野乘世有之益部黔南事多缺  
嗚呼天地之立維三剛斯人之死而不亡表往所以勸

方將大書特書吾所望其副寄我山中藏

題把酒問天圖

夢夢無醒日高高獨奈何酒旗天上有醉客更應多

李廣文方水葬於東郊哭之以詩

一揖青郊外從茲隔九原及于棺下送猶勝夢中言避地頗同旅移家近對門平生期許意今日更何存

直諒今誰及經綸世未知祿微爲養日官小作人師瓊海麻衣返盧溪素旒馳六年長別淚滴入數行詩

戊寅元旦家園漫成

雲物春城佳有餘小臺搔首立踟躕百年駒過三分二一歲人閒正月初生態可知霜後樹舊交唯有蠹殘書東風掩戶教兒輩霄漢新翎看鶴梳

錦巖先祠有梅一樹春將半猶盛花在粵中爲希

有與巨川俊斯咏之

桃時杏日各爭開何意林中尙見梅密葉已兼青子出數花如待主人來枝橫自昔難爲咏頭白而今不用催應惜和羹才未盡先公祠下與徘徊

外姑湛節母馮太君八十大壽時旌表初至

方圓並畫古難能况挽頽暉轉日升宗祏已新先世廟佛龕勤禮六時燈心空萬慮皆如燭淚盡他年尙作冰



猶有豪華餘產在春秋畱得與雲仍  
先公高義人間少節孝天生柵內才再世漂搖爲砥柱  
百蠻龔俗有驚雷西臺使者飛霜筆南國詞流祝壽杯  
五十年前臯廡下白頭無復孟光來

送林桐叔歸石嶽

嶽勢雄諸郡奇蹤闕二樵瀑從天屬地潭跨石爲橋俗  
樸無今古厓高失暮朝擬同吾子去深處託鷓鴣

題四皓圖

萬峰青處不飛塵三秀林中日日春四老共成詩十句  
未知誰是首倡人

獨漉堂詩集

卷六  
小禺二集下

九

青官安後漢幾危事在高人合早知聞說畱侯多祕計  
當時別有四鬚眉

題徐虹亭看奕圖

大地一楸枰日月黑白子借問看奕人置身局表裏

中元前後約過徐虹亭寓齋夜話連阻暴雨比晴  
則無月矣夜坐賦柬

咫尺相期話月明幾宵頻負寺鐘鳴雷驅星漢迷天路  
雨走江湖滿郡城暑氣暗銷三伏候豪吟長和五更聲  
晴來已是銀蟾缺擊柝重門不易行

九日小集風幡堂同姚敦仁梁藥亭王蒲衣遲徐

虹亭不至分得燈字

茗讌風前快不勝江城佳節况良朋言尋西土千年樹  
還問南宗第一燈金塔繡深微辨字石幢身老已無稜  
清觴擬待陶公醉繞徑黃花開未能

秋帘

裊裊西風裏蕭蕭倦客途香傳金鑿落人在酒家胡秫  
畝年方熟旗星夜未孤不知傭作內還有長卿無

秋寺

野日黃方落溪雲白尙飛世情何處冷秋色在禪扉鐘  
罷聞蟬語林疎見鶴歸老僧三五輩閒坐補山衣

秋燈

朔風猶未入暑月已全過不有青燈對其如良夜何聽  
雞時獨舞偶影或成歌知我應唯爾人間豈易多

秋原

茫茫衰草色極望與雲平三壤今猶賦高原人未耕風  
蓬如軸轉夜燒似龍行且喜東南豁無山月易生

秋社

農祥傳月令賽社及秋徂樹下趨童穉壇中雜史巫雁  
來排碧落燕去掠平蕪宰肉陳孺子而今作老夫

秋屋

騷人搖落意今古得無同未減三時月唯多四壁風砌  
蟲吟蟋蟀階葉走梧桐天宇何寥廓誰堪老此中

秋漁

乘潮秋渚上月下一竿橫自有天堪問何妨水至清龍  
影西伯獵醒醉楚臣行亦各爲千載長歌懷濯纓

秋瀑

空林何浩浩石壁有懸泉直瀉黃姑渚橫飛白帝天聲  
從千仞落風散萬珠圓莫惜離山濁西成待滿田

秋簟

桃笙吳賦重冰字碧紋連靜拭丹帷內涼生玉枕前夢

獨漉堂詩集

卷六

小周二集下

十一

魂會共適薌澤尙依然未可同統扇西風一棄捐

秋塘

行吟池上影來去日紛紛風岸堆殘葉晴波度片雲雁  
行閒可數魚躍靜偏聞春草他時夢園林秋又分

秋戍

漢皇猶自將率土敢言勞共命唯良馬餘生託寶刀寢  
霜秋柝冷占氣夜天高未見功成日還家已二毛

秋獵

無事空騰飽秋田且合圍鷹盤霜野擊馬逆朔風飛甲  
帳毛爲雨歸人血點衣好憑誅異類原獸已知威

秋菜

荒畦猶有菜弱架已除瓜不少去來蝶還尋黃白花雨  
餘收落子霜下卷新芽抱甕勞勞者於陵是一家

秋鏡

對鏡意茫茫爲軀七尺強如何千載下空讓昔人長面  
目吾猶爾妍媸汝不藏因之還自見敢恨有秋霜

秋樓

巍樓雄郭外虛牖徹雲中靜納銀蟾影寒生玉馬風地  
高秋最早天迴望何窮未得驚人語終朝憶謝公

秋衫

蕭蕭霜露色木葉下江臯越葛辭團扇齊紈落剪刀曉  
尋西寺約老怯北風高坐汎黃花酒還添大布袍

秋蝶

鳳子文爲羽仙人錦作衿有生同物化而汝獨秋深猶  
及芳菲日彌傷遲暮心因知漆園叟所感亦猶今

秋烟

秋空不可極極望轉生烟日抱游塵外晴曛曉露前微  
微依靜渚漠漠映遙天何處功臣閣臨風一惘然

秋琴

金行天地肅視聽此爲真一對高山奏如逢太古人宣

情通萬類解慍及吾民杳矣誰知者冰絃空復陳

吳又札七十七舉子詩以賀之

周武九十三諸子皆象勺尙父八十餘有女登椒閣家  
國屬當興瑞氣因迴薄老蚌毓明珠枯叢秀花萼君德  
厚且長琴書久無託同人咸注望熊夢果不錯於茲近  
八旬得震纜一索揆之昔聖賢興符自今作足爲壽考  
徵豈獨生兒樂不見羣飛雛出自千年鶴

送徐虹亭歸吳江因柬嚴藕漁朱竹垞彭羨門潘

稼堂

此生甘曳塗中尾百年拋擲空山裏知交海內幾人存

獨漉堂詩集

卷六  
小馬二集下

三

書札嬾來無一紙羨君肯作羅浮游天南重見生狂喜  
青鞋直入四百峰竹杖身登七十里我衰不復能相從  
客誦新篇日盈耳如何去我將有行梅花嶺上花方始  
君住松陵水一灣激浦鴛湖咫尺間言歸將作白頭社  
尊酒扁舟時往還論交却得朱公叔作賦安仁鬢仍綠  
垂竿嚴瀨復有人好古彭鐘老彌篤一回聚首一聲詩  
洛社香山事可追惜無鴻雁雙飛翼浩蕩江湖同所之

放雲

觸石看初上囊盛偶共歸不堪貽好友只自掩柴扉歲  
旱人同望龍靈爾所依開軒紛五色應近日邊飛

放驢

青脊驀驢子平生能苦辛疾行雖後馬遠到亦如人芻  
秣豈云薄衰遲寧久馴從今臥春草飲齧是天眞

放鶴

放爾爲騏驥仙人與御風翻盤三島外聲落九天中遠  
影凝雲白還丹八頂紅蘇耽遺井在不必語遼東

放鷹

北斗搖光散西風健翮高順天行搏擊報德用貪饕世  
每求虞網苦惟解臂條桐柯方待鳳無處立而曹

放牛

獨漉堂詩集

卷六  
小禹二集下

古

幸免爲犧用未將文繡加青畱函谷樹白轉法王車長  
角終何取花蹄不足誇小童吹短笛歸老老農家

放猿

豈忍相羈久哀吟損性靈自然千載物生有老人形引  
臂山泉白攀藤月峽青何年成劔術毛髮已星星

放螢

數點來中夜低飛近客牀燈疎無復焰星亂不成行豈  
以干霄氣而依腐草光林根須早去屋上有新霜

放蝶

抱繭初觀化籠紗爲爾開好尋花底去或許夢中來五

彩難爲畫雙飛不用媒羅浮原有洞葛鮑御風回

放鴨

畜此非吾意浮沈看爾曹賦形虛羽翼天性善波濤江  
色遼陽綠軍聲雪夜高人書史册未必在奇毛

放魚

升斗皆能活人間邇殺機急流窺進退濁水羨甘肥爾  
向江湖去誰施網罟威神鱗多變化豈必盡成飛

題梁枳山笏齋

差勝梁鴻廡鷓鷯有此枝花唯栽一樹井日汲三時起  
舞雞飛桀行吟戶礙眉暇中常教子墻外亦聞詩

獨漉堂詩集

卷六  
小馬二集下

五

至日遙和梁藥亭夜集之作同用東韻

子半陽生義畫中此心遙與故人同日添一線行將北  
月到三更上自東茗熟未銷文武火梅開不厭往來風  
草堂各有吟詩客白髮蕭蕭兩老翁

小除後同廖南暉梁藥亭王蒲衣王也夔秦欽文  
暨各家子弟集東林嘯公方丈重修社事分得

能字

柳眼朝來已漸增小橋流水不曾冰百年短褐衝殘臘  
半日閒身對定僧疎磬出林風斷續寒雲依岫晚峻嶒  
淵明未得陶然醉卽事成詩似未能

獨漉堂集卷之七

羅浮陳恭尹字元孝

小禺三集

新篁次吳大司馬

汗青猶可俟荏苒夕陽西高節含新篁清風滿舊溪掃  
階林影薄拂水翠雲低會入伶人採憑添樂府題

聽鶯次吳大司馬

芳郊行竟日鶯語不曾無物色春將老離聲鳥亦殊緒  
風吹近遠交影入烟蕪未免縈懷抱衰顏賴酒扶

贈李立齋總戎

獨漉堂詩集

卷之七  
小禺三集

作鎮炎方萬里清風流儒將早知名驍驪日永嘶長路  
鼓角秋高滿郡城舊向詞壇稱繡虎曾從滄海射長鯨  
盛年才擅兼資美麟閣遙開待勒銘

送鄭子源之香山

上林桃子洛陽梨更向增城問荔支海內知君行欲遍  
卷中多有故人詩

荔枝花事未曾闌作賦相如客倍閒好去臨邛尋令尹  
橫琴山在海中間

龔雨亭都諫輓詩

乞歸連歲尙踟躇得請旋爲得疾初杜甫久聞焚諫草



所忠無復問遺書倚閭落日悲黃髮過嶺秋猿泣素車  
臥病江干不能弔生芻一咏倍愁予

蔣雨亭主政來粵拜其先祖父祠部參政公遺愛

祠還日奉贈

何期旌旆到茅廬十載秦中一紙書方報循良徵北闕  
却從休沐理南車兩旬旅寓青春淺三世論交白髮餘  
酌酒先公祠下土于門高大信非虛

大江中隔嶺頭梅世澤偏深在粵臺山甫纘戎今再見  
相如乘駟此重來土風并是童時習人士多於祭日陪  
握別津亭思往事萬民爭送使星回

獨漉堂詩集卷之七  
小島三集

參政公擢河南督學萬民扳轅送行之盛近代罕  
見

題山帶畫爲張宗肅

野橋枯石水磷磷幾疊蒼松似小春恰好贈歸詞客手  
竹邊添个撚鬚人

送袁密山歸平樂

東來言送故人輶一歲維舟得此朝同是掛帆分兩地  
西行人邇北人遙

年來斂盡舊鋒稜寓客門前冷似冰住久不知君是客  
雪山如對坐禪僧

桂江山水極雕鏤奇峭參天帶急流便欲東裝從此去

唱酬三月共扁舟

題蕭叔兼行樂

草際相呼立渚禽茅堂蕭寂不須深圖書左右堪怡悅  
脫屣浮雲物外心

題吳山帶瀟湘三峽圖送王紫詮使君之川南

君不見雙流江漢岷山來瀟湘九面衡岳開大別山前  
神禹鑿長江東走如轟雷荆梁萬派此奔匯溯流千里  
其艱哉君持旌節川南路一年理棹今方赴涉盡人間  
翻覆瀾瞿塘灩澦寧堪顧吳生放筆爲此圖神光離合  
超有無氣吞雲夢者八九筆挾造化爲前驅數峰便具

獨漉堂詩集

卷之七  
小周三集

三

萬仞勢片帆直指蚕叢都巴東三峽定遠近耳邊似聽  
猿猱呼魚腹八陣日在眼峩睂古雪明高衢錦水文章  
多哲匠司馬楊王最其上千篇更有浣花翁兩表猶傳  
臥龍相羨君此去得其源繼美千秋豈多讓卽今吳生  
已八燕送行反在君行先君行向西伊向北我獨南滯  
朱明天人生聚散尋常事所惜詩篇遠難致作歌送君  
并索吳新圖分寄西南隅

梁聘妻黎貞女詩

天上修文帝闕深人間琴瑟不成音素車白馬來何事  
大節宏綱力自任同穴有期歸下土雙栖無夢到高林

生前未識郎君面不隔幽明是此心

走筆送梁台佐赴粵西幕府

書記翩翩昔所聞  
牂牁西去許從軍  
封侯本是書生事  
銅柱高標在嶺雲

草堂過別語懸河  
俠士肝腸世未多  
前路有人能問我  
一竿頭白對藤蓑

賀梁藥亭新翁

七十巔毛未見絲  
百齡五岳豈云遲  
阿巢老鳳雙栖日  
斗氣津龍始合時  
玉樹連行枝並發  
牙籤萬軸架新移  
是日新館落成  
豪吟亦是東山事  
安石從來自敎兒

題佟子小影

獨漉堂詩集

卷之七  
小禺三集

四

鬱鬱長松謾謾風  
一囊更自抱絲桐  
知音豈患人間少  
流水高山在目中

題陳子行樂

珠玉爲心貌亦如  
謝家芝草滿階除  
少陵一語堪爲贈  
年少今開萬卷書

題潘子小影

柳底清陰竹葉杯  
諸峰遙入座中來  
人生樂事無過此  
滿徑黃花對酒開

獻李提軍奠原

仙李盤根代有賢將軍名氏榜先傳官登八座今三世  
祿白先朝幾百年嶺海喜過千里足日車新拜六龍鞭  
安壤一借長城略滄海南邊得晏眠

萬乘旌旂狩朔邊國威還藉重臣宣金鞍久侍龍顏側  
玉食頒從黼帳前每見借籌論戰伐時聞聚米指山川  
一辭丹陛來南服御札黃封幾度傳

畫角風清靜海濤郊垆共喜見干旄金方氣肅崆峒壯  
南斗功成日月高姬且吐哺元自貴衛青揖客不言勞  
天涯賤子能捫虱懷刺空慙有二毛

送林赤見北上兼柬吳山帶

獨漉堂詩集

卷之七  
小馬三集

五

鄉園籬菊已將闌馬上梅花北去寒豈謂少年須早達  
只緣微祿好承歡水荒畿輔今聞熟隄潰河淮合漸乾  
到日更尋年譜舊東風同向杏林看

送劉虛舟孝廉北上東史畊 岩學士

東去京華總及春青袍如舊榜名新詩篇好誦詞流口  
先澤猶存帝里民祿閣分燈元漢裔黃梅傳鉢自江濱  
漂陽學士聞聲久曾向人前問野人

潘母陳太君輓詩

涵觀之毋

日暮誰能不倚閭夫人賢哲古無如介山隱日曾承命  
江左行時未絕裾老去每聞加飯報病中猶寄緩歸書

天涯孫子分南北慟哭寒原走素車

送詹仙洲莫百川北上

數點寒梅漸報春嶺頭北去雪花新豐城並躍雙龍劍  
燕市同游兩酒人道有屈伸權在命文無今古訣唯真  
只須了却經生事一第何常可救貧

寄俞介石別駕

使君生有梅花約庾嶺羅浮屢剖符水部詩中頻共賞  
美人林下未應無一枝春色聊堪寄兩地香風總不殊  
欲掛片帆冬日下三楓亭畔對冰壺

題周耐菴匡廬托鉢圖

獨漉堂詩集

卷之七  
小陽三集

六

詩人標格老僧裝大地無非選佛場最是匡廬宜乞食  
虎溪前去是柴桑

趙秋谷自潮州至卽歸其鄉詩以送之

春來望爾海東頭及到翻成送去舟嶺路過時梅未標  
鄉園歸日麥應秋地畱勝跡供高咏天放閒身作遠遊  
九土芒芒行已半後期相對又何州

送樊簡討崑來還都

論文連月得相親握別臨期意倍真高蓋南來持節客  
二毛憔悴種瓜人羽林舊籍同聲在桃李新陰異代春  
書報高堂江漢上爲言滄海有遺民

送劉靜庵

貴竹千峰驥足開嶺頭五馬久徘徊漸看南國棠陰徧  
却喜東風鷓首催漢武求賢期絕域燕昭來士有高臺  
定知此去多奇遇誰得如君八面才

題憶雪樓江山無盡圖送紫詮王使君之官川南

次畱別原韻

東坡手書默化堂不知堂後山澤藏使君冷眼忽覷得  
架樓收盡天蒼蒼樓基正與城頭敵窗外遠見風帆揚  
我來艤舟此城下樓花飛落船頭香賓朋共識庾亮興  
小民竊比燕公棠前軒後戶捲簾幙良宵勝日傳杯觴

獨漉堂詩集

卷之七  
小周三集

七

雲峰四起若鄰並蒸炎三伏來清涼北窗企脚望不極  
千疊萬疊皆山光象頭白水古佛跡朱明七洞仙人鄉  
虹蜺隱見占雨至烟嵐出入因風狂聚如稠人互窺矚  
紛如舞袖相低叩天池鵬翼擊巨浪斗間劍氣明干將  
雲陰穿漏或顯晦松聲斷續流清商不知漢晉是何代  
陶鑄堯舜其糝糠常擬腰鎌刈葵藿每思寄夢炊黃粱  
登臨萬象極富有忘却四壁和雕牆使君家在燕冀北  
思親戀闕皆同方霞生想像斑斕綵屏列如對黼屨張  
歸心欲躡雙飛燕省稼時乘五色羊擢巡西蜀忽畱滯  
萬事險阻皆經嘗迴思樓上昔坐嘯明月直入無猜防

欲春靈藥問顧兔擬摘桂蕊呼吳剛安知俗態工貝錦  
遂使仕路成羊腸賴君雅志在吟咏南中久駐無嗟傷  
溪山四遠皆遊陟圖書萬軸增丹黃集名憶雪三百首  
隋珠卞玉森成行氣齊五岳爭聳峭才如海若奔汪洋  
或于諧謔寓規諷時同星日舒光銍浣花老潔可企及  
劍南平易應來降此行所遇多古意筆仗况復俱精良  
圖形盡歸大禹鼎切玉不啻昆吾鋼孤舟三峽上百丈  
七年大郡宜輕裝西聽猿啼易寂寞北念鶴髮增徊徨  
連天別緒語不盡數日解纜仍嫌忙膝前侍列子若弟  
特達不異珪與璋移家暫寓虎踞石門巷復見烏衣王  
雛鳳長鳴協鐘呂宏音亮節皆琅琅東西各駕青雀舫  
山水收以古錦囊巫山之高不可極長江之水難爲量  
懸帆今月已春暮計程到日應秋陽送君不妨屢水宿  
幾人同臥舟中牀問年我已踰耳順將髭君亦添新霜  
九州宇宙本窄狹後期未可云渺茫將尋幽約指吳越  
更攬宿莽過沅湘待君旌節自蜀出璽書惠下雲天長  
新篇不厭讀數回老脚尚可同趨蹌且題此卷作後驗  
恍如身復當樓窗迷濛遠近翠欲滴不辨揚越並燕梁  
高歌激昂以贈我平生意興因飛翔安得如鳥有羽翼

從君唱和踰三瀧

走筆送程德基歸黃山兼懷其弟立方

一編圮下尙深藏愛寫仙人肘後方  
朱邸每因游宴入白頭仍爲著書忙  
徘徊五嶺誰爲伍歸去黃山菊正黃  
介弟到來今十載報書應訝懶嵇康

東吳拔菴元戎

菊時曾得奉金鐘竹裏相尋惜未逢  
新句近知添俊逸歸心還望許從容  
城開百粵三千里峽東長江數百峰  
大樹清陰人共望白頭休謝酒泉封

送李竹君廣文之官香山

半日風帆到有餘江城原亦是山居  
似過別墅之鄰邑

獨漉堂詩集

卷之七  
小周三集

九

却借閒官讀父書

尊人著天  
山草堂

李下蹊成垂蔭遠蓮峰秋

好着花初交君三世今頭白重見南溟化巨魚

令祖銓  
部公成

進士于崇禎庚辰予時十歲見  
之今去庚辰三年耳以此相期

送顧瑞長司教澄邁

去歲龍門點額迴魚鱗寄我報難裁  
尙懸白壁連城價今見珠厓絳帳開  
海國晴空標五指郡山回首望三台  
天池自是鯤鵬地看爾博風擊浪才

送呂載蕃歸山陰

風木蕭蕭滿若耶暑中遙汎獨歸槎  
東山臥挹千岩秀南國新畱幾縣花  
血淚自霑慈母線黃扉人識相臣家



白頭相送渾忘老計日還迎駟馬車

海珠寺謁李忠簡公祠追次先府君韻

誰移古寺到波心往哲遺踪竟至今珠號摩尼從佛得  
江浮明月正東吟一丘偃蓋情何遠半壁河山澤尚深  
四百餘年存俎豆清風猶自滿雙林

百年能立即千春不朽天南代有人痛哭書生曾伏闕  
出師丞相亦綸巾遺篇在卷難爲和往事傷心莫可陳  
文獻比來凋落盡餘光今幸借西鄰

忠簡裔孫興漢  
重刻海珠志

賦送顧禹

獨漉堂詩集卷之七  
小周三集

十

新秋嶺外好迴車水港長江落木初已啖離支三百顆  
釣竿須鱸四腮魚

二毛一變作霜巔不聽吳歌四十年君到山塘秋已半  
千人石上月依然

口上送家木月

久客將歸日新秋暫泊船別離良不易鬚鬢各蒼然鄉  
酒鱸登市邊風雁在天家庭多樂事莫忘尺書傳

送學使王十州復命

梧桐一葉報秋生霜節隨君恰到京五嶺誦敷文德地  
九重親賀聖功成帆開別浦旌旂色身拜彤墀珮玉聲

莫謂使星從此遠卽看卿月萬方明

題笄瀛仙行樂

風度蕭然塵表姓名隱著圖間謂是竹中高士何殊海外仙山

寄賀蔡萃長之官昌邑

搏風羽翮久翱翔新縮銅符近海疆善交尙存平仲里  
著書人識鄭公鄉天邊仙島三山見澗下清流萬歲長  
况是京華來去嘉聲容易到維桑

圍獵圖爲王雲菴題

萬轡羣飛走玉驄數枝鳴鏑響瑀弓高堂益壯三軍氣

獨漉堂詩集卷之七  
小周三集

十一

四壁如吹大野風

平沙圍獵合還開蹤指何常不用才自是將軍親閱歷  
誰人繪得陣圖來

賀廣州馮使君

天懷高曠世誰如却爲酬知更剖符北闕除書來五嶺  
東風遊興尙三吳新添詩卷傳人口舊管黔黎候旅途  
家有傳巖先命在暫將霖雨到南隅

南北猶慳相見緣仁聲先自異方傳棠陰未剪靈山下  
驥足曾開禹穴前萃野有勲仍相陟韋侯世守亦承賢  
今時盛事寧殊古白首寧忘堃史編

口占送向恬菴

歸舟暫泊五羊城一揖相辭萬里行  
竟夜吟詩不成句新鴻飛過兩三聲

送蔡漢長之官瀧西

吾儕何必嘆離居一札新傳最起予  
南北異邦爲政處弟兄同日拜恩初

令弟萃長同選得昌邑

邑當海徼方游刃

山中好著書瀧水東流三百里君詩容易到鄉閭

干將雄氣迴難干莫謂師儒是素飡  
騏驥取途須待飽蛟龍爲雨貴能蟠  
百年况味嘗應徧萬里曾行眼亦寬  
入道久知無別訣半安隨處總安安

獨漉堂詩集

卷之七小禹三集

七

爲王雲菴題知止軒

急流勇退復何人知止空聞老氏言  
豈似聖經知至善修齊事業蓋乾坤

陶公止酒偶然歌止觀天台又若何  
知止知君深得力平生志本不求多

運心軒

相生奇正本無窮制勝全資整暇功  
一矢雍容升揖地甲兵千萬在胸中

哲思軒

哲人邈矣復何思道德文章總我師  
夜寐夙興勤所事

保身唯咏仲山詩

澹恬堂

上弦新月藹清暉恬澹無營世所希  
綠竹黃花秋正好一觴遙唱鶴南飛

九日喜家紫馭至

短歌言別昔何時塵路茫茫久繫思  
一第相期君不負十年重見我尤衰  
雁來天外新成陣菊試籬邊未滿枝  
南海荒殘今更甚高車從此又何之

題丁勗菴秋江垂釣圖

百年舒卷豈難期七尺漁竿一釣絲  
不擇水清魚少處

獨澗堂詩集卷之七  
小周三集

三

秋江端可鑒鬚眉

送盧達夫之任邵陽

湖南清絕古來稱君蒞南梁第一城  
雪色千重催去騎梅花一路引行旌  
歸猿峒外生徒送迴雁峰前候吏迎  
到日龍池高處望縣山先有故鄉名

呈左學使我菴

文風一變此南隅十郡生徒仰大儒  
海內聲華推二妙卷中詞賦繼三都  
青天手放驚人鳥明月全收不夜珠  
誰道盛明持節日門前修刺有潛夫

送人入夔州

欲折梅花寄一枝送君猶覺掛帆遲巫山巫峽三千里  
春雪春風是到時

書札頻歸識遠情別來兩度見秋生旌旂西入巴人國  
鎖鑰東臨白帝城三尺青萍占夜氣一篇黃石是家聲  
盛年功伐尋常事好勒麒麟閣上名

贈宜新寧遜菴

百里仁聲滿郡中家門奕葉有重封勳名漢代推三傑  
兄弟高陽號八龍紀竹已書天上史栽花新徧海頭峰  
識韓有願非今日窮巷車聲未易逢

送盧卜子之官延平

獨漉堂詩集

卷之七  
小禹三集

西

溪山雄麗絕閩天記得曾遊四十年萬戶水聲分澗竹  
一方城影落江船參軍自昔多閒日趨府今時得大賢  
知子此行將有合劍津只在郡門前

繡葛程符氏殉節輓歌

請代何能格上天千秋同穴志元堅餘生枉作儀髦賦  
一死當君屬纊前

送詹意友之潮陽扶其父祖旅櫬還閩

兩世遺骸漲海邊首丘唯賴子孫賢客來嶺外三千里  
淚滴棺前十二年

水木根源有此身十年泉路不知春看君近淚無乾土

自有連舟解贈人

送王令詒赴都補官

老不出門行蹶躓只是年年送人別白髭一別幾莖生  
老筆難工反成拙猶記去年春酒開君馳駟馬從西來  
四方朋好日高會玉笙銀管宵中催是時君有潘州役  
所至葱蔥若遺跡今年相送入羅浮已謝爲邦作嘉客  
豐鱸湖邊山繞城著書仍是舊經生封章却自天曹下  
車馬還從帝里行珠江八月炎威解數幅蒲帆向風掛  
路迴唯憑葉縣鳧舟輕欲笑坳堂芥往時朋舊各分飛  
賦別江頭老布衣雖乏驪珠佐行色猶當洗耳待金徽

獨漉堂詩集

卷之七  
小馬三集

五

賀家植普進士

媯水淵源代有文江門家學更逢君長風破浪時千里  
大翼翀天見五雲晝錦正宜孺子舞新篇超絕衆人羣  
玉堂有客相期甚書札南來慰我聞

時郵至其座主樊翰檢書

送李檢討伯猷

程江歸到正秋新便掛輕帆北問津子舍暫違衣綵地  
玉堂還作讀書人遊經萬里文增壯史在千秋筆貴眞  
嶺海邇來寥落甚相期風度繼先民

都門遙奉白頭歸四葉承歡世所希詩禮庭前時獨對

鵝鴿原上更雙飛  
年來多黍香醪美  
秋在澄溪鱸鯉肥  
供膳有人行自得  
報恩唯補袞龍衣

贈張翁源泰亭

七葉金貂代有雄  
西銘家學紹無窮  
奇文早已傳天上  
黃綬新垂出漢宮  
邑近曲江唐相度  
地連韶石舜絃風  
期君手播靈池水  
仁壽同依樂國中

送李麗侯司教化州

絳帳新移溟海頭  
之官尤喜及清秋  
仙山家近傳仙李  
化雨飛時又化州  
出篋篇章珠徑寸  
趨庭詩禮雪盈頭  
知君四世承歡在  
不羨京華作宦游

送何叶文入都

獨騎匹馬向燕臺  
便是閒遊亦壯哉  
中路詩情生白雪  
一年歸計及黃槐  
都人尙繫漸離筑  
上客難逢郭隗才  
縱有知音在霄漢  
高堂屈指待君回

送余振西梁凝揆入都

鳳城裘馬自輕肥  
少俊今時似子希  
詩禮庭中推二妙  
扶搖風裏羨皆飛  
南辭庾嶠桐初下  
北到金臺雁始歸  
好及弱齡承祖武  
老親猶着老萊衣

欣賞齋見吳山帶畫

欣賞齋中賞不希  
故人遺墨一沾衣  
雙鳧出浴翎猶濕

高柳搖風絮尚飛

贈李植公行樂圖

碧欄外外敞雲屏一簇笙簫在水亭傳語佳人誦新句  
李郎停筆酒初醒

橋西新水穀文生洞府仙境最清一炷名香烟未散  
梧桐深有下棋聲

贈家天池

昔君十五青青衿姿顏如玉能斂琴再三祈請一揮手  
四座賓客皆傾心尊君虬鬚古俠客坐擁樓船通絕域  
我從海外一見之及到君堂始相識酣歌永嘯樂未終

獨漉堂詩集

卷之七  
小周三集

十七

其如世事猶洶洶君挽長弓射白雁身騎大馬能追風  
珊瑚合罍漁人網姓名忽列鷹揚榜北臺買駿尚懸金  
西郭栽花還自賞蹉跎五十鬢未霜有子能詩與父長  
看君不復愁衰老唯憂無以答蒼蒼去年薦飢民最苦  
四郊就賑愁風雨君募蓬茅數十區瘠子愁妻各其所  
荒原或有不歸魂掩之以棺埋以土吁嗟乎使君食祿  
就一官職守所拘寧有補不如逍遙落拓作閒人足使  
飢羸有寧宇

題鈕高明玉樵行樂圖

名在循良世莫如天南鳧舄到方初傳來詩句工尤甚



閒倚欄干未廢書

家子笠澤接香溪何地堪樵亦偶題一令山城最深處  
西樵七十二峰西

賀高郡丞攝番禺

葭管動飛灰梅花處處開寒輕滄海上春自一陽迴霽  
色明雄郡權聲滿越臺雙鳧仙令地五馬使君來蒞政  
垂三綬兼人備四才剖符雖疊疊遊刃更恢恢好尙從  
寬猛風雲待化裁看公經緯畧計日列三台

題贈閔萃庵

閔子大隱流其性何澹蕩不知十八灘何如古汶上

獨漉堂詩集卷之七  
小冊三集

六

送佟恩平赴都補官

仁聲十載徧炎陬春草生時共獻酬車蓋更飛何處雨  
風帆今到海門秋多收端石經年鑿偶聽吳歌永久留  
滿載奇書克篋笥未教人識是虛舟

次答朱穎實

家集年來徧粵洲因君彌復景前修孤忠有後今三世  
一面相期隔幾秋吳粵雲山非異地紀羣夙昔許同遊  
未緣披豁聞高論詩句多爲第一流

別羅雄州水裕

梅花嶺上一麾徧南北清風二十年執法若山人可近

守身如玉道能堅  
攤書未歇挑燈夜  
讀禮曾無閉戶錢  
寂寞茅齋期再遇  
暫時相送上江船

次答丁勗菴

震澤南邊一碩儒  
西風相見此城隅  
奇書自識常三篋  
重器人稱是六瑚  
古筆淋漓今作者  
壯懷蕭瑟老吾徒  
十旬不雨心如醉  
無計畱君酒不觚

劉沛叔眞贊

雙江戰血染朱輪  
五十年前卽此身  
剩有篔瓢歸陋巷  
不勞名姓上麒麟

鬚眉不覺盡爲霜  
尙借戎裝作道裝  
肘後未曾離組綬

獨漉堂詩集

卷之七  
小周三集

九

斗間猶自現干將

題靜像

善琴

一卷慵開獨坐吟  
不冠不屨坐松陰  
天涯何患無知者  
流水高山共此心

壽張方伯樞侯

金貂七葉向來傳  
身列崇班尙少年  
白簡有風存北闕  
紫薇新澤滿南天  
樹人歲育三千士  
賑米朝糜百萬錢  
猶說報恩懷未盡  
欲將心力更籌邊

無成六十鬢蕭蕭  
折柬空勞使者招  
古寺疎鐘陪永日  
清齋長燭語良宵  
野人且可論三祝  
倦鳥何堪問九霄

愧乏嘉言供採擇平生蹤跡是芻蕘

送陳郡侯颺言

寶玉從來號此鄉臣心如水照穹蒼政閒只有圍棋客  
官罷兼無養鶴糧潁守到時神爵集陶公歸日菊花黃  
翳桑不少重生者泣送江邊幾萬行

送沈丹山入都補御史

博洽家聲有自來帝廷曾嘆沈郎才六年一令風雩地  
萬里重登市駿臺魯雉親人朝尙集鮑驄行步日方開  
朝端引領瞻霜簡鷁首西風好爲催

送霍友山省觀春州

獨漉堂詩集

卷之七  
小馬三集

三

舟入盧溪秋已分西風吹葉落紛紛清波倚棹人如玉  
中路看山石似雲衣綵每同昆弟舞學詩兼與及門聞  
春州引望崆峒近鳴和天邊鶴一羣

次答宗人育璞

衡山西下洞庭東淚竹斑斑萬古同曾記狂歌荆國日  
早將身拜舜皇宮采芝且免憂高蓋結柳何堪送五窮  
知子共爲媯水後此心相喻不言中

題黃君球行樂

一樹濃陰號大椿白頭仍是綠衣身秋來太史占乾象  
南極星中幾老人

百年世祿煥綸絲身隱新朝志未衰姓氏下邳橋上客  
一篇仍似授書時

冬日承屈四會鳳山見過別後柬寄

短褐蒼涼曝早暄北風吹葉滿平原素絲忽望干旄色  
白髮空慙負郭門一顧驩驪增壯氣片時酬酢奉高言  
珠江瀆水無多路雪裏郵詩敢憚煩

次答董漢竹

白頭逢世好佳句使人驚往事思先甲流年閱後庚老  
餘家國淚交見死生情借問張平子何時賦二京

游蹤同雪爪世語半蘭奢各述先人舊彌增兩鬢華風

獨漉堂詩集

卷之七  
小馬三集

三

興君不忝身外我何加愧乏江都筆名山勒一家

寄答馬臥仙都閩

秋日枉詩今未報窗外梅花開正鬧君麾日駐海頭城  
我老猶思雪中棹橫琴山外曉風清萬里滄茫見日生  
高標銅柱千年在猶見君家舊勒銘君流膏澤周遐邑  
已飢已溺常汲汲如何歌頌滿天南終日思歸時佇立  
思親翹首望雲飛更許輕騎到小扉貧家客至無多地  
已命山童拂釣磯

獨漉堂詩集卷之八

羅浮陳恭尹字元孝

小禺後集

補序

先子自編目錄自初遊至詩餘諸集始戊子拜恩  
迄戊寅小除皆經手定唯己卯庚辰未編至庚辰  
四月初十作送左督學詩是唯絕筆不孝贛等敬  
按稿本次序不分體粹爲小禺後集庶誦詩論世

者有所考焉

男贛識

立春日送黃蒲園謁選都門

初年車馬發河干椒酒猶餘膝下懽豈爲榮親須就祿

獨漉堂詩集

卷之八  
小禺後集

一

却緣行志在能官迎春綵仗舟前出新綠江山雪下看  
京國舊多交好在雲司吟和共登壇

立春日送徐藝初御史歸吳門

東風此別未驚魂絳仗迎春騎吹繁幾處早花明水郭  
一帆新綠去江村每因聲氣思疇曩願得雍容接晤言  
驄馬暫留知不可六龍巡狩正南轅

寄王阮亭總憲

煌煌太微廷執法列其右夜來視星文光榮殊昔有聞  
君掌蘭臺北向遙漭酒知己非獨懽蒼生望來久平生  
恬澹志中立無所苟在德固罔愆於言良不朽由來風

紀地所尚非繩糾但令源本端足使民俗厚君家自青  
齊先世屬台斗賡颺明盛日廓落經綸手繼起今有人  
聯飛自相友看花歲最先勁柏凋彌後人稱獨坐三位  
冠羣鄉九泥塗吾曳尾霄漢君驥首頗憶十年前春宵  
同剪韭

次答吳彤本

老鳳巢邊和鶴鳴別來無念不縈縈水從庾嶺分南北  
書寄楊州隔死生欲向文章元繼美紀羣先後見交情  
不緣步履能相過門徑東風長綠荆

陶奉長以大父仲調簡討文集見貽且請作傳次

獨漉堂詩集

卷之八  
小馬後集

二

其來韻二首

才旣無雙數亦奇高鴻難慕羽堪儀長沙舊是陶公族  
遺集重開晉義熙良璞不售多在楚靈珠無價本名隋  
雖慙司馬藏山筆此志爭光自可推

此身終隱復何名應候哀吟自物情本爲詩書延一脉  
偶從鋒鏑得餘生沈埋我愧干霄氣繼好君尋異代盟  
正擬深談逢積雨把詩枯坐到三更

次答劉百原

九面湘流繞岳斜更乘山屐過丹霞誰分太乙仙人火  
來問長貧孺子家南上柔條先着柳東風新律正飛霞

自憐黃髮同摩詰三徑荒蕪對五車

浮湘昔日有知音

謂郭幼隗

昨得清篇竟夕吟便續楚些齊

曠代更於蘭臭見同心鴈迴萬里衡陽峻海到三春島嶼深我老愧無娛客地一尊何以豁煩襟

寄壽何慎思邑侯

滄海起飛鴻黃鸝語曉風山光城外內水碧縣西東勝事張燈復良宵聚醕同三時閒節序百戲走農工羔酒公庭獻金章綵服通韶華官柳綠嘉燕燭花紅永譽神明宰遐齡鶴髮翁大慈堪範俗善事卽移忠漢柱名方重郇苗雨正融部人歌令德矯首咏高崧

獨漉堂詩集

卷之八  
小周後集

三

韶陽戰績詩爲閩將軍賦

百戰功高賊始摧九成臺下陳雲開天南父老猶能說作賦郎君只自哀

韶石芙蓉幾百峯石如甲冑是軍容直須青簡傳千載早有丹心徹九重

題行樂圖

拍手階前稚子嬉南園春色柳絲絲郎君修潔人如玉觸目琳瑯樂可知

此日能間卽是仙湘簾高捲竹風前諸童笑語還相和

一部元音勝管絃

走筆送家雲石

南天積雨亂紅飛嶺北山川綠尚希  
莫戀長安爲客樂駟車須念過橋歸

竹杖扶行擁敝袍衰齡稀出豈云高有人問我門前雪  
雪在袁安兩鬢毛

寄祝張翁源泰亭

鴻名宿昔著關中鳧鳥今飛到粵東  
孝友世傳張仲在文章人羨景陽工  
九成樂奏高臺月百里花開昨日風  
題柱盛名何以頌早將霖雨慰宸衷

衰頰久矣絕逢迎卜得山居却帶城  
方訝里中驚駟馬

獨漉堂詩集

卷之八  
小問後集

四

豈知門外駐千旌雄談入座師資見

侯王阮亭門人

玉樹臨風

意氣生多謝文章枉相屬江淹才盡老無成

沂澤得杖名以珊瑚索賦

珊瑚洲上叟有杖號珊瑚誰此瓊華贈如分若木株  
堅貞人可比天矯畫難摹老脚今能健登山不用扶

送姚非漁選入國學

趙尉樓邊百草芳黃金臺畔柳初黃  
遙攜四百峯頭月還就三千弟子行  
上國驕駟爭道路六堂風雨盛文章  
看君珥筆彤墀內不爲槐花更着忙

風流文采本翩翩萬里新行正少年  
鵬海片帆輕似翼



鶴峯春浪遠于天國門定有懸金覽家學先傳述德篇  
若問阿翁膏澤地九華如黛大江邊

清明日同霍禹洲家大斌舟入高峽泊閱江樓下

卽事作

東風乘興好西行三月牂牁水尙清峽上篙痕穿石細  
樓前山色極天橫花當令節千枝放酒酌長江百感生  
五十年前龍見處白頭重說與諸卿

同禹洲大斌游七星巖作

瀝湖西北石橋隈七十年中幾度來隔水似迷蓬島路  
際天惟見墨雲堆神驅海岳星辰落穴走蛟龍洞府開  
今昔登臨人屢換與君終日暫徘徊

獨漉堂詩集

卷之八  
小禹後集

五

寶月臺有作

高臺寶月舊莊嚴勝概登臨得盡兼積水有濤環四面  
數峯如畫入重簷傳衣人遠空餘樹鑄鼎龍遙久墜髯  
世外世間何限恨愧無新賦擬江淹臺多菩提樹最古  
六祖新興人傳衣  
還隱端州諸山中十餘年乃開法  
鼎湖山在高峽北皆臺上所見也

錦巖西菴同又扎巨川儁斯汝侯

西菴清絕處一榻可棲禪石占閒房地雲過峭壁天只  
疑居邃谷豈似在郊廛不待諸天供千花紅欲燃

壽霍朝望司諭

清齋遙隔故園波大堇今時鬢未皤東海有瀾文壯闊  
南山爲祝壽嵯峨宮牆數仞門庭峻桃李重陰子舍多  
再世論交吾亦老贈君惟有一高歌

題納涼圖送吳石倉歸西湖次其卷中元韻

風柳高亭上諸賢共一僧暑同河朔避興似剡溪乘樂  
事唯飛管羣書且架藤一時儒與佛誰得判淄澠  
歸夢懸湖水經年度庾關千篇新著作一卷舊家山自  
子爲羈旅誰人醉此間荷花香有待掛席暑中還

石倉抄其鄉沈甸華處士所作先司馬及家文忠

張文烈諸傳見示再次前韻以謝其意

獨漉堂詩集

卷之八  
小異後集

六

先傳勞抄示他年史所關文雖傳處士藏且在名山筆  
足參三立人堪並兩間無能酬厚意珠淚贈君還

仁和周氏節孝詩

誰言母有夫有夫中道歸黃墟誰言子有母有母生兒  
身不久母亡有母能撫孤夫亡教子成室家母之報夫  
在教子子能事生卽事死嗚呼節孝萃一門我欲歌之  
難爲言

左母 太君壽詩

翟莠霞帔綽有榮當年曾是慶長庚  
堇期尙授周公禮  
令子今題漢柱名畿內頌聲歌壽母堂前稱兕有門生

家園自足含飴樂不要孫曾捧杖行

高母 夫人壽

鸞冠翟茀映虹霓母德今時孰與齊  
新澤近周爰海外門功曾建楚臺西  
三春桃實成嘉燕千里名駒展駿蹄  
身是慈雲敷不極佇爲霖雨慰蒸黎

題山帶遺畫爲鄭珠江

石邊叢菊晚香深澹墨淋漓滴惜似金  
自是故人先有意報君一片歲寒心

次答歐上閑

飽聞風義十年前 穎廣封疆幸接聯  
山有枝條原一本

獨漉堂詩集

卷之八  
小馬後集

七

溪流南北遂相懸 霜蹄自合馳天路  
白髮唯堪守墓田 故友云亡高弟在  
指薪傳火古今燃

送吳漢公之都門

都門歸到正秋生 半載遊蹤未暫停  
子舍始過梅子雨 枝間猶惜荔枝青  
薰風掛席三千里 驛路題詩八百亭  
江北江南須着眼 六龍巡幸昨曾經

送秦番禺子芳

龍角山高絳水清 循良真不愧家聲  
六年涖政人無讟 一旦言歸淚滿城  
別浦有香流澤遠 隨身唯宦去舟輕  
白頭閉戶蓬蒿裏 何日重瞻子子旌

題魯思亭小影

畫裏人殊少知名十許年兩行薇省樹一卷白華篇芒  
屨聊爲爾苔階坐悄然凝思在佳句不謬世間傳

送秦欽文

作此無期別其如我老何雲山三晉遠朋好五羊多羽  
翮宜軒翥圭璋在琢磨年年來去鴈莫忘繫書過  
敢曰人倫鑒居然國士風超庭來杜甫清論得王戎學  
繼河汾上詩多越嶺東妙齡今若此慚愧白頭翁

李裔衮壽

大隱高風世所知鬚眉奕奕有仙姿五千道德傳家學

獨漉堂詩集

卷之八  
小禹後集

八

三百唐宗是本支壽偶如賓偕白首諸郎佩印作人師  
一堂盛事如何頌仙李盤根杜老詩

次韻送吳玉濤

散吏能爲汗漫遊葦牀書舫日乘流溯洄珠海沉香浦  
吟望朱明大石樓政有弛張唯尚德文兼華實總成秋  
歸來一賦人皆惜不獨吾儕有別愁

寄許伯玉

文章先代是宗工君有無雙國士風百戰功多滄海外  
一官身老嶺雲東越庭詩禮皆能學愛客壺觴不說窮  
鳳嶠松陰石湖月至令人想許中戎

方作寄潘紫登詩而其書適至卽事東之

握別東風柳始黃榴花今已滿山堂正當念汝遺雙鯉  
恰好來書到五羊遠道常時通夢寐把詩終日對琳瑯  
自憐白首論交久獨有斯人具肺腸

送家恭尙

羚羊峽裏共高歌秋月春風幾度過策蹇偶尋銅柱路  
探驪曾涉海門波帆檣又作經時別杯酒其如易醉何  
猶是塞鴻飛到處天涯莫厭寄書多

先始祖祠宇改建初成承宗戚諸公賜祭卒賦一

律志謝

獨漉堂詩集

卷之八  
小周後集

九

事遠難銘魏氏鐘手栽猶見大夫松未離故寢成新廟  
且喜開門對一峯顧我垣墉書闕畧勞君升降禮雍容  
先朝遺俗吾鄉在厚意深慚報莫從

劉仰山招同吳玉濤梁藥亭家宕侯雨中汎舟半

塘遲沈虹石不至同用八庚

急雨無朝暮篙師不敢行人爲長夏會天與片時晴洲  
渚烟中市雲山畫裏城幾年離別緒都向酒杯傾

曲港乘潮入輕舟與岸平村童驚客語江鶴避棋聲柳  
浪家家似荷珠葉葉并所思期不至八詠且同贖

朱玉樹以畫梅見貽賦謝

玉堂仙子玉髯髭老筆能飛屈鐵枝正是雪消明月落  
羅浮山下夢醒時

晤楊春州止菴於五羊翌日拜良醞之惠賦此奉

謝

快瞻風度從今日得讀文章已十年趙尉臺邊懷古地  
崆峒巖下早秋天鳧飛霄漢來容易邑有神君望儼然  
一席高談人已醉醇醪貽我意兼傳

夏杪楊寶生孝廉招同毛行九司馬楊止菴大令  
梁藥亭太史飲於風幡堂次行九韻二首

古樹餘千載勞生又半年閒尋白社約得醉綠陰邊蟬

獨漉堂詩集

卷之八  
小馬後集

十

試迎秋噪庭分欲暮烟是閒宜野酌何必肆長筵

寺有  
菩提

樹婆羅果樹  
皆千載物

吳越同星紀登臨具上才一時萍跡合千里鴈行來  
影留飛利池光照舉杯白頭希樂事今日老懷開

過鄒左俞園林

了無紛雜絕纖埃有此園林倚粵臺高柳夾門行徑永  
小橋橫水畫堂開坐疑古洞迷秦晉日見漁舟自去來  
況是主人髯未白官閒時得掃蒼苔

沈左臣惠墨竹賦柬五首

一天烟靄何方雨滿徑篔簹簾昨夜風中有高人呼不出

早鶯飛處月腫腫

數竿濃沒復縱橫靜對蕭蕭似有聲若使伶倫知採伐不妨吹作鳳凰鳴

老幹欹斜折復萌小枝還作怒龍形等閒自寫凌霜節不待他人紀汗青

大筆如椽勢莫當節間一丈末如芒君家越志分明載

月落空庭影未長

沈懷遠南越志載竹種甚多

酷暑經時只掩扉勞君貽贈有苔磯蕭然四壁如常日嫋嫋西風葉自飛

次答張損持太史

獨漉堂詩集

卷之八  
小馬後集

十一

蓬蒿三徑謝芳蓀軒蓋何期枉見存憶鱸幾時歸海上吹簫曾記到吳門斗牛劍合元同氣南北潮生各異痕猶有一人知己在五羊城下舊虞園

名成仍復愛三餘香水溪邊更結廬養疾舊承天子詔傳家元有老人書游多勝賞頻高會世誦新篇滿比閭山月漸涼清露下小園秋草欲教除

閏七月二日長壽石公招同毛匏邨司馬張損持

吉士吳晉濤少尹楊勉菴孝廉唐海門黃蘭偶

司紅暹諸文學雅集離六堂次毛韻二首

十二欄干砌碧瑜四周流水入縈紆似登海屋烟中閣

同探驪龍頷下珠吳越提封餘一覽人天境界豈云殊  
巡檐漸有涼風入覓句徐行得自娛  
開社東林事已頻曾將妙偈伏龍神多金布地來殊國  
古木含風不記春暑後溪山初過雨閨餘鳩鵲再臨津  
賦詩此日多豪俊莫笑衰頰白髮人

閏七夕後一日遠公招同潘稼堂張損持梁藥亭  
毛行九余未及赴諸公分韻見及得心字

四序適以迫天宇鼎且淡出郊睇平疇上有嘉樹林蕭  
蕭風乍勁萋萋歲已陰初秋屬餘閨徂暑方流金駕言  
梵王宮闈寂期幽尋相招有開士散帶遺冠簪登樓俯  
逝川推窓納遙岑稍歇人外磬復聞花中琴追隨昔已  
屢違隔忽在今空齋散文史席地聊歌吟豈惜車馬勞  
苦爲塵累侵羣公不遐棄往往遺之音其清若冰雪有  
美如璆琳誰言一日遊逃矣千載心

題張損持太史行樂圖

跣趺秋樹根悠然靜餘想本爲著作人具此幽遐賞十  
年臥滄洲髭鬚漸云長不以三事榮易我一日養蒼生  
望正殷林泉聊獨往新篇歲崢嶸舊聞入羅網高風激  
頽波苔石皆蕭爽五弦何必揮瀑流有清響

初秋日梁藥亭招同沈詹山大令家山農隱君潘



稼堂檢討張損持吉士毛行九司馬吳晉濤少  
尹林桐叔少府楊勉齋孝廉徐紫凝羅浮山司  
紅暹家獻孟諸文學遠布心月二上人雅集六  
瑩堂分得阡字

君不見素馨田行人採摘成術阡又不見萑蒲澗仙人  
服食今無傳世間不貴長生學只愛花香耳目前吹笙  
繫鼓日縱飲笑殺吾儕無酒錢藥洲南邊杜門者今日  
忽然羅衆筵相邀盡是文章客吳山越水多英賢盈階  
况復美花竹梧桐一葉初秋天火雲燒空尙爰赫江湖  
白浪高於船千里命車良不易兼旬何意成流連西郊  
北郭多古寺菜根茗椀同枯禪長吟短句屢酬酢千鍾  
百榼無聞焉主人家醞號元碧奇方得自安期仙飲酣  
棋罷各授簡鷓鴣大硯青松烟傾玉琖拂華牋勸君大  
醉方謀篇良儔嘉會不盡興異日相思年復年

次和梁壘石髮塾詩

所愛寧容易慈言梵共持髮膚原一體長短幾千絲塔  
與盧能並峯連婺女奇誰憐頭頂上霜雪已垂垂

口占送徐紫凝

掛帆江上試新涼纖月依微帶夕陽想見孤山風落木  
夢魂無夜不家鄉

每逢岐路一沾巾五嶺東西幾度春游子本爲歸養計  
故山無復倚闌人

懷吳正憶浮瓜侯訪戴還須掉雪舟君見二君煩致語  
白頭難復到杭州

贈沈詹山

一尺長髭已皓然目如巖電古稀年南中久住丹砂令  
海外曾歸玉局仙老驥未忘歌伏櫪高鴻何必志摩天  
時來漸有西風入好讀磻溪卜獵篇

呈馮太守

得依仁政已三年曾奉高設接綺筵五馬清風珠海上

獨漉堂詩集

卷之八  
小馬後集

十四

滿輪明月桂花前今時地望誰能及往日詩篇世共傳  
家有傳巖三命在卽看霖雨到中天

贈雲在青

忙中常自領閒機鬚鬢年來白漸希過客不時停玉勒  
高窓長日撫金徽清池映竹留青靄怪石當門掛薜衣  
秋好正宜將壽酒卽看庭下鳳雛飛

贈黎普濟

慈心到處有奇方苦海逢君便得航世上瘡痕非一日  
分身須是上巖廊

送高少府

板輿遙向帝都回遠送于南彩鷁開秋月上弦滄海外  
西風行部峽山來鴈行比翼排霄漢菊蕊延年入壽杯  
白首狂歌杜陵老題詩唯羨達夫才

重陽前五日高中含司馬招同劉卓崖主考屈四

會鳳山張廣寧鶴洲楊陽春止菴錢茂名蕉山

張翁源泰亭高東莞萊園田英德克五雅集雲

半閣時聞事初竣

使車高蓋總能來雲裏軒窓俯粵臺秋水滿前人自照  
碧天無際鴈初回酒邊赤葉迎風醉閣後黃花傍節開  
白首疎狂虛授簡愧無詩句可追陪

獨漉堂詩集

卷之八  
小異後集

五

寄潘函觀

三年別日未云多甲子於君忽再過白髮到來皆若此  
青山歸計近如何久無薇蕨留孤竹賸有松楸廢蓼莪  
只隔嶺梅南北路一枝相寄且爲歌

生生圖送家山農歸雲間

偏舟歸去嶺梅初久住天南綽有譽慈幼近開三畝宅  
活人曾著十年書竹籬透石冬抽笋池水通潮晝躍魚  
不敢相留唯有願到秋遙望再來車

己卯八月十四日五羊城南聯句同毛端士司紅

暹梁藥亭張損持同拈十三職韻

地勝秋亦佳毛人間醉常得深簾卻花影陳欹檻上苔

色涼雲淡不飛司白日光稍匿是時月幾望梁平分景

未昃天空肅萬象張霄迴聯千翼過水劃明沙毛排闥

覲交國江城霸氣散陳海甸瘴煙熄舟通珊瑚宮司星

定女牛域黃屋竟何在梁青袍此相卽同遊皆抄選張

抽思盡奇特揮灑衍波箋毛淋漓客卿墨長驅役今古

陳清辯洗雕飾几案雜古歡司杯盤列珍食酒釀羅浮

春梁果擘訶梨勒客身翻奪主張南風競凌北豪吟捲

宿霧毛淡坐催宵刻風戰矮簷梧陳漏侵園院棘規月

欠微痕司清輝渺無極林棲鳥忽驚梁穴處鮫猶織大

獨漉堂詩集卷之八  
小周後集

地漫金波張虛府敞瓊闥露冷吳剛斧毛飈駛織阿軻

桂華一以覩陳蓬梗嗟未息昨泛海珠濱司頻過花田

側千門連睥睨梁萬頃瀉胸臆浩蕩鷗難馴張淒清蛩

更啣雄劍倚芙蓉毛枯禪寄蒼筍各抱千載心陳寧虧

九鼎力高潔慕蟬飲司齷齪笑雞肋履道任夷惠梁得

句驚藉湜良會永弗忘張先民念遺則毛

題吳山帶墨竹送吳晉濤歸宜興

故人筆墨醉方工數葉垂垂亦不同畫裏只今成舊雨

畫溪歸去是春風

別意何如紙上禽一飛一宿本同林憑君折取伶倫管

吹作陽和睨皖音

得王立安訃音哭之

把書終日恨難平  
歎息修文召已成  
督亢陂前新宅兆  
羅浮峯下舊師生  
三年已罷升堂瑟  
萬里難伸白牖情  
愛汝是翁知是我  
只應南北各露纓

朗吟終日擗虬鬚  
七尺昂藏好丈夫  
五字號城真莫敵  
百吞爲咏只須臾  
行雖越衆偏能恕  
文不求名祇自娛  
憶雪樓前風雨散  
不堪扶杖過豐湖

金丹煉就誰人識  
玉樹埋來恨有餘  
幾日已爲黃壤客  
昨朝猶見白門書  
家懸兩地星霜久  
膝繞諸郎象勺初  
未後數言殊了了  
前身應得悟真如

獨漉堂詩集

卷之八  
小馬後集

七

題吳山帶墨菊爲潘受平

清姿妙筆已難期  
身後珍如玉樹枝  
最是稜稜霜下菊  
贈君不少故人思

寄題家健夫西峯草堂

不同吟醉幾經冬  
燕鴈頻頻過越封  
老去未曾忘北路  
人來多是說西峯  
詩情日與年華長  
酒債全教筆硯供  
特遣兒曹識堂徑  
天涯癡叔也如儂

勵兒北上口占示之

吾哀良已甚  
汝往慎前途  
一騎過河岳  
扁舟下楚吳  
眼

中新白雪夢裏古皇都最是英賢會同聲自不孤  
文章先世業用舍百年身送爾無他語思爲不朽人舊  
山叢桂老去路杏花春倘謝經生籍韋編正好陳

勵兒行後連有南風漫成

江邊別汝意怛怛十日南風爲送行風度有樓今在否  
計程應到曲江城

贈李彌樸

曾稱祭酒老儒門鄰曲過從歲獨尊派自有唐三百祀  
家傳苦縣五千言詩書善述斯爲達宗祏能修賴有孫  
紫閣玉泉多勝地百齡期爾醉鄉園

獨漉堂詩集

卷之八  
小周後集

大

正月三日過潘子登所寓江樓龔渭臣載酒與潘  
木公諸君雅集賦潮平兩岸闊分得涯字

千檣不動水漣漪共上江樓好賦詩塵世百齡希暇日  
滄波開歲是閒時漸鋪浦潏平如練益覺乾坤未有涯  
破浪搏風年少事白頭唯有一銜卮

次韻答龔渭臣

七十餘生漸有涯長繩何計繫奔曦猶能鼓枻滄浪外  
不厭逢君唱和遲海鳥化來知大翼鬚眉漸覺愧男兒  
東風共醉屠蘇酒俯仰江樓極二儀

正月六日將歸錦巖泊舟潘子登寓樓下新月甚

佳因留宿三日兩登斯樓亦一快也

偶爾停舟快不勝江樓今夕又同登故園歸去逢人日  
新月何期對好朋竹榻朗吟茶讌罷低窓高掩浪紋升  
頻年衰疾希行往如此良宵得未曾

羽都督殉節詩

諱鳳麟字冲漢明廣州四衛指揮  
死庚寅之難

廣州四衛指揮

金方爲教本堅剛受命先朝衛五羊生死只知城下土  
姓名不憚羽林郎血流大地終成碧骨化飛塵久亦香  
世祿幾家能矢報爲君歌此問蒼蒼

寄何慎思順德

新年頻不值舟楫各西東夜月同江上春燈憶縣中潮

獨漉堂詩集

卷之八  
小馬後集

十九

生環郭綠綵舞間花紅請以無疆咒因君獻若翁

東風開萬堞身坐百花間大邑人希暇平心政自閒寢  
興承白髮廳事對青山並報君親重恩酬鬢未斑

送湯建孟之永明

白頭游興亦雄哉三楚烟花二月開九十甘泉曾若此

祝融峯頂去還來

增城湛文簡九十三尚游南岳

永明潛邸萬峯前君見荆榛亦黯然不及鍾祥龍起地  
至今人尙說承天

送家昭德之官長寧

片帆春色上循州二月東江浪尙柔薄俸未能離苜蓿

一官重得對羅浮峯雲佳處同誰賞桃李蹊前與士游  
倘到東坡亭下泊老夫還擬共維舟

送左襄南督學試竣還都奉命視河

我聞丹山赤水之洞天地脈暗與蓬瀛連蓬萊一枝乃  
獨往直到天池鵬化之南邊倏然乃與羅浮結七洞四  
明如隔絕寧知共在斗牛間天上分星總揚越四明狂  
客賀季真青蓮一見號仙人知人自有傳心法能使汾  
陽屈著伸唐代功臣獨居首誰知活自書生手君今相  
士特南來知人肯落前賢後天閑新進渥洼多更命旌  
旂理九河都將吉甫清風頌和八河渠瓠子歌著書七  
十羅浮老汗竹爲書頻削稿方候公閒細評論如何鶴  
首催前導病中相送不成章口授兒曹寫數行遲君賜  
歸鑑湖一曲水來問天台萬仞之石梁





